

Uunga siunnersuut: Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersup allangortinnissaa pillugu Inatsisartut inatsisaat nr. xx, xx.xxx-imeersoq (Inuussutissarsiornermut Aatsitassaqaqarnermullu Naalakkersuisoq)

Saqqummiussinermut allakkiaq

(Inuussutissarsiornermut Aatsitassaqaqarnermullu Naalakkersuisoq)

Siullermeenera

Matumuuna sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaata allangortinnissaanut siunnersuut saqqummiutissavara. Siunnersuut Aalisarnermut Naalakkersuisoqarfimmit tapersorsorneqarluni saqqummiunneqarpoq.

Takornariartitsinermut akuersissuteqartarnermut inatsisip siunertarai Nunatsinni takornariartitsinermik inuussutissarsiorfiup ineriartortinnissaanut ilapittuuteqarnissaq, aamma nunatsinnit takoarnarianut tunisassiat tuninerisa siuarsarnerisigut inuiaqatigiinni siuarsarnermik pilersitsinissaq.

Manna tikillugu takornariartitsinermut akuersissuteqartarnermut inatsit sukisaarsaatigalugu aalisartitsinermik ilaqarsimanngilaq. Takornariartitsinermik inuussutissarsiorfiusumut akuersissutinik aalajangersaaveqartunik marlunnik inatsiseqarnissaq tulluartaunngilaq. Tamanna annertunerusumik allaffissornikkut suliassiivoq, taamaalilluni suliat isumagisarneri sivisunerullutillu atortussianik qinnuteqartuusut paasiniagassaannik annertunernik piliaqarfiulluni. Inuussutissarsiorfiusumi siuarsarnermut tamanna iluaqutaanngilaq.

Tamatuma saniatigut sukisaarsaatigalugu aalisartitsinermut akuersissummik aamma takornariartitsinermik tunisamut allamut akuersissummik piginnittuusup oqartussaasoqarfinnut assigiinngitsunut marlunnut attaveqartariaqarnera tulluartaunngilaq. Akuersissummik piginnittumut aqqummik ataatsimik tunngavissaqarneq tulluartauvoq, taamaalilluni Namminersorlutik Oqartussani taamaallaat naalakkersuisoqarfik ataaseq takornariartitsinermik inuussutissarsiorfinnut akuersissuteqartarnerit iluini suliamik isumaginninnermik akisussaaffeqassalluni.

Inuussutissarsiorfiusup sinaakktissatut atugassarisaanut ineriartortitsinermullu periarfissaanut ajoqusiivoq, tassalu takornariartitsinermik tunngaviusoq sukisaarsaatigalugu aalisartitsinermik aamma takornariartitsinermik tunisamik allamik akuleriissitsinermik

tunnaveqarluni akuersissutitut nalunaarutigisanut taakkununga marlunnut akuersissutigisamut piffissap sivilissusaa ataqatigiissuunani.

Sukisaarsaatigalugu aalisartitsinermut akuersissutit pillugit Inatsisartut inatsisaata atorunnaarsinnera, taamaalillunilu inatsisinik katiterisoqarluni neqeroortitsinermut atortussat suliarinissaannut, qinnuteqartarnermut ingerlassanut, qinnuteqaatit nalilersornerinut, aamma akuersissummik piginnittussamik toqqartuinnermut assigiiaartumik ingerlattakkanik pilersitsissapput, kiisalu suliassaqarfimmi nalinginnarmik suliat isumagineri aqunneqarnerilu pitsanngorsassallugit. Tamanna kommuninut aamma takornariartitsinermik inuussutissarsiorfiusunut iluaqutaassaaq.

Pitsaanerusutut sinaakktissatut atugassiat tamakku nunatsinnit soorlulusooq avataanit aningaasaliisartut Kalaallit Nunaanni aningaasaliinissaat, takornariartitsinermillu inuussutissarsiorfiusumi siuarsarnermik pilersitsinissaat neriuutigaarput.

Taamatut oqaaseqarlunga oqallilluartoqassasoq kissaatigaara.